

मार्निंग डोगरी न्यूज़ बुलेटिन, समें. 09-20 Hrs

<><><><><><>

## Headlines

- जम्मू कश्मीर च कल गांधी जयंति दा पर्व मनाया गेआ। उपराज्यपाल मनोज सिन्हा होरें लोकें दा आह्वान कीता जे ओह बापू हुंदे सिद्धांतें दा प्रचार पूरी दुनिया च करन।
- केन्द्री मंत्री डॉ. जितेन्द्र सिंह होरें आखेआ ऐ ले लाल किले दी प्राचीर परा प्रधानमंत्री नरेन्द्र मोदी होरें स्वच्छता दा जेहड़ा आह्वान कीता हा ओह इक जन-आंदोलन च तब्दील होई गेआ ऐ।
- सांबा दे जिला चुनां अधिकारी होरें वोटें दी गिनतरी आले ध्याड़े शा पैहले स्ट्रॉंग रूम दा निरीक्षण करियै ईवीएम मशीनें दी सुरक्षा गी जकीनी बनाया।
- 9एं दिनें तगर चलने आले शारदी नरातें दा पर्व अज्जै थमां शुरू होई गेआ ऐ। समूलवे भारत सनें जम्मू च बी नरातें गी लेइयै लोकें अंद रमता जोश ते भक्तिमय माहौल दिखने गी लब्धै करदा ऐ।

<><><><><><>

## LG Sinha

उपराज्यपाल मनोज सिन्हा होरें कल राष्ट्रपिता महात्मा गांधी हुंदी 155मीं जयंति दे सरबंधै च राजभवन च लाए गेदे केन्द्र शासत प्रदेश स्तर दे सतारोह गी संबोधत कीता। स्कूली शिक्षा विभाग ते उच्च शिक्षा विभाग आस्सेआ आयोजित इस कार्यक्रम दे कन्नै गै स्वच्छता पंदखाड़ा ते स्वच्छता ही सेवा अभियान बी सम्पन्न होई गेआ ऐ। अपने संबोधन च उपराज्यपाल होरें गांधी जयंति ते साबका प्रधानमंत्री लाल बहादुर शास्त्री हुंदी जयंति पर लोकें गी शुभकामनां दित्तियां। उपराज्यपाल होरें आखेआ जे गांधी जी हुंदे सच्चाई, हिंसा ते दया दे सिद्धांत, दुनिया अग्गे पेश सब्बनें चुनौतिएं दे हल कड्डी सकदे न। सिन्हा होरें लोकें गी अपील कीती जे ओह पूजनी बापू हुंदे सिद्धांतें दा प्रचार पूरी दुनिया च करन तां जे इस धरतै गी शांतिपूर्ण ते बेहतर थाहर बनाया जाई सकै। उनें लोकें गी ते खास करियै नोजवानें गी अपील कीती जे ओह सब्बने शैहरें ते ग्राएं च इक ऐसी थाहर दी शनाख्त करी लैन जित्थें स्वच्छता अभियान ते श्रमदान जनेई गतिविधिएं लेई म्हीने च इक दिन पूरी चाल्ली समर्पित कीता जा। उपराज्यपाल होरें समाज दे सब्बनें तबकें गी अपील कीती जे ओह बापू हुंदे जीवन थमां प्रेरणा लेंदे होई लोकें दे कल्याण दी दिशा च कम्म करन।

<><><><><><>

Dr. Jatinder Singh

केन्द्री विज्ञान ते तकनीकी मंत्री डॉ. जितेन्द्र सिंह होरें गांधी जयंति दे मौके "स्वच्छता दी सेवा" 4.0 खास मुहिम दी शुरूआत करदे होई आखेआ जे आजाद भारत दे इतिहास च एह इक खास कामयाब कार्यक्रम बनी गेआ ऐ, जेहदा आह्वान प्रधानमंत्री नरेन्द्र मोदी होरें लाल किले थमां स्वच्छता दा नारा देइयै कीता हा। इस मुहिम च देशवासिएं दी बड्डे पैमाने पर भागीदारी रेई ते स्वच्छता यानि साफ सफाई गी लेइयै लोकें दा नजरिया बदलेआ ऐ। डॉ. सिंह होरें पैहले चलाई गेदी मुहिमें दी कामयाबी पर खुशी जाहर कीती ते पिछले त्रै मुहिमें दी बेह्तरीन उपलब्धिएं बारे गल्ल कीती जिंदे कन्नै खरे मते अच्छे नतीजे सामने आए न।

<><><><><><><>

JMC Jamuu

गांधी जयंति दे मौके जम्मू नगर निगम नै छन्नी रामा च मानसिक तौरा पर दिव्यांग बच्चें आस्तै केन्द्र "मुस्कान" च इक खास कार्यक्रम दा आयोजन कीता। इस कार्यक्रम च डिवीजनल कमीशनर जम्मू रमेश कुमार होर खास तौरा पर शामिल हे। गांधी जी हुंदी इस मौके पुष्पाजलि भेंट कीती गई। रमेश कुमार होरें अपने संबोधन च आखेआ जे महात्मा गांधी हुंदे दस्से गेदे मूले दी अज्ज बी बड़ी महत्वा ऐ। उनें बसनीकें गी आखेआ जे उनें सारें गी जम्मू गी साफ सुथरा रखने च योगदान देना लोडचदा। उनें पालीथीन लफाफें दे इस्तेमाल गी बी रोकने आस्तै आखेआ जेहदे कन्नै पर्यावरण गी सुरक्षत रखेआ जाई सकदा ऐ। "मुस्कान" च रवा'रदे बच्चें कन्नै गल्लबात करदे होई डिवीजनल कमीशनर होरें इने दिव्यांग बच्चें दी क्षमता पर लोह पाई ते भरोसा दोआया जे इनें बच्चें गी मकामी, राष्ट्रीय ते अंतर्राष्ट्रीय सतह पर मंच उपलब्ध करोआया जाग खास करियै पैरालंपिक खेड्डें च।

<><><><><><><>

Gadkari

केन्द्रीय ट्रांसपोर्ट मंत्री नितिन गडकरी होरें घोशणा कीती ऐ जे 80 लक्ख मिलियन मीट्रिक टन बक्ख कीते गेदे कचरे दा इस्तेमाल राष्ट्रीय जरनैली शिडकै दे निर्माण लेई कीता गेदा ऐ। महात्मा गांधी जयंति ऐ मौके पर कल नागपुर महानगरपालिका आस्सेआ आयोजित इक कार्यक्रम च गडकरी होरें आखेआ जे महानगरपालिका थमां सीवेज दी आपूर्ति ताप विद्युत उत्पादन संयंत्र बी कीता जा'रदा ऐ। उनें एह बी आखेआ जे पेंज, कोराड़ी ते खापर खेडा परियोजनाएं दा संचित जल हुन करसानें गी सिंचाई लेई उपलब्ध ऐ। गडकरी होरें आखेआ जे कचरे शा जैव सीएनजी दा उत्पादन कीता जाई सकदा ऐ। उनें महानगरपालिका गी अपनी गडिडएं लेई इस ईंधनद ा इस्तेमाल करने पर बचार करने लेई बी आखेआ।

<><><><><><><>

## DEO Samba

जिला चुनाव अधिकारी सांबा राजेश शर्मा ते एसएसपी सांबा विनय कुमार होरें स्ट्रॉंग रूम दा तफसीली निरीक्षण कीता जित्थें 69 रामगढ़, 70 सांबा ते 71 विजयपुर चुनावी हल्के थमां आई दिएं ईवीएम गी सुरक्षत रखेआ गेआ ऐ। एह स्ट्रॉंग रूम डीसी दफतर परिसर पंदिनी हिल्स सांबा ते विजयपुर पर बनाए गेदे न। वोटें दी गिनतरी शुरू होने तोड़ी एह ईवीएम कड़ी सुरक्षा प्रबंध च रखी गेदियां न। अपने दौरे दरान राजेश शर्मा होरें 24 घेंटे दी सीसीटीवी निगरानी, सुरक्षा कर्मिं दी तैनाती ते दूइं सुरक्षा इंतजामें दा जायजा लैता उनें सुरक्षा दे निग्गर प्रबंध पर तसल्ली जताई ते चुनावी अमले ते सुरक्षा बलें दी सतर्कता आस्तै उंदी प्रशंसा कीती।

<><><><><><><>

## Counting Staff Udhampur

उधमपुर दे 4 चुनावी हल्के एसी-59 उधमपुर पच्छम, एसी-60 उधमपुर पूर्व, एसी-62 रामनगर ते एसी-61 चनैनी आस्तै वोटें दी गिनतरी आस्तै नियुक्त कीते जाने आले अमले दी बिचो-बिचो तालिए रेंडोमाइजेशन आली पैहली प्रक्रिया सफलता कन्नै पूरी होई गई ऐ। एह प्रक्रिया जिला चुनाव अधिकारी उधमपुर सलोनी राय हुंदी अध्यक्षता च पूरी होई खास तौरे पर तैआर कीते गेदे साफ्टवेयर दे इस्तेमाल कन्नै एह प्रक्रिया, पारदर्शिता ते निष्पक्षता गी पक्का करदी ऐ जेहूदे निर्देश भारती चुनाव आयोग तरफा दित्ते गे न। इस पूरी प्रक्रिया दी वीथ्उयो रिकार्डिंग कीती गई। वोटें दी गिनतरी आले ध्याड़े दी तैआरिं गी लेइयै सारे जरूरी इंतजाम कीते जाई चुके दे न जेहूदे च सेई ते कारगर तरीके कन्नै वोटें दी गिनतरी आस्तै नियुक्त अमले गी ट्रेनिंग ते जागरूकता प्रदान करना शामिल ऐ।

<><><><><><><>

## Navratri Arrangements

शारदी नरातें दा पवित्र पर्व अज्जै थमां शुरू होई गेआ ऐ। इस मौके पर श्री माता वैष्णो देवी जी दे भक्त गी शेल सनाहकड़े ढंगै नै सजाया गेदा ऐ। भवन ते ओह आले दुआले बक्ख-बक्ख फुल्लें कन्नै मनमानी सजावट कीती गेदी ऐ। देवी-देवताएं दियां प्रतिमांड ते सोआगत लेई बनाए गेदे शानदार द्वार, श्रद्धालुएं गी मता आकर्शित करै करदे न। इस ब8रे आला लेखा इस ब8रे बी श्री माता वैष्णो देवी श्राईन बोर्ड नै नरातें लेई खास प्रबंध कीते दे न, जिंदे च विशेष प्रसाद, लंगर दी बवस्था ते सुरक्षा दे इंतजाम शामिल न। तोआई जम्मू च बी नरातें दियां तैआरियां जोरें शोरें चलै करदियां न। माता दियां चुन्नियां, पूजा दियां थालियांते सजावटी समेयान दी मती मंग ऐ। एहूदे अलावा मठेआइं ते फलें दी बी लोक खरीद करै करदे न। पूरा जम्मू शैहर ते होरने इलाकें च बी लोक नरातें दे रंगै च रंगोए दे न।

<><><><><><><>

## Festival Rajouri

डिप्टी कमीशनर राजौरी अभिषेक शर्मा हुंदे निर्देश मताबक एसीआर मोहम्मद जहांगीर खान हुंदी अध्यक्षता च इक बैठक दा आयोजन कीता गेआ जेह्दे च औने आले ध्यारें नराते, महानौमी ते दशहरा आस्तै कीते जाने आले इंतजामें बारे चर्चा कीती गई। बैठक च जोर पाया गेआ जे इनें ध्यारें गी दिखदे होई सारे इतजाम समें सिर होइ जाने चाहिदे जिस करी आम लोकें गी कोई मुश्कल पेश नेई आवै। खान होरें आखेआ जे सारे विभागें गी किट्टे रलियै, बधिया तालमेल कन्नै कम्म करना लोडचदा ऐ जिस करी एह् ध्यार बेहतर प्रबंधन ते शांति पूर्ण ढंगै कन्नै मनाए जान। उनें सारे अधिकारिणं गी आखेआ जे ओह् अपनी टीमां तैआर रखन ते सारे जरूरी इंतजाम पैहले गै पूरे करी लैते जान।

<><><><><><>

## Swachhata 10 Years

वैश्विक संस्क्राएं दे केई नेताएं स्वच्छ आला मिशन दे कामयाब 10 ब'रे पूरे हाने पर प्रधानमंत्री नरेन्द्र मोदीहोरें मुबारकबाद दिक्ती ऐ। अपने सनेए च उनें आखेआ जे इस मुहिम नै कारगर तरीकें कन्नै साफ सफाई च सुधार करदे होई भारत च बड़ा मता बदलाव आंदा ऐ। डब्ल्यूएचओ दे महीनिदेशक डॉ. टेड्रोस आधानोम धेग्रेयेसस होरें इस मुहिम दे राएं टिकाऊ विकास दे उद्देश्येंग ी हासल करने ते महत्वपूर्ण प्रगति पर लोह पाई। वर्ल्ड बैंक दे अध्यक्ष अजय बग्गा होरें आखेआ जे स्वच्छ भारत मिशन नै साफ सफाई च सुधार आन्नियै भारत च सकारात्मक बदलाव आंदा ऐ। एशियन डवैलपमेंट बैंक दे अध्यक्ष मसनसुगु असाकावा होरें आखेआ जे बैंक गी मान ऐ जे ओह् ऐसे देश कन्नै जुड़े दा ऐ जिनें शुरूआत थमां गै दूरदर्शी रौंह इख्तेयार कीता हा।

<><><><><><>

## ICC Women T-20

आईसीसी महिला टी-20 विश्वकप अज्जै थमां संयुक्त राष्ट्रअमीरात दे शारजाह च शुरू होआ'रदा ऐ। पेहला मैच बंगलादेश ते स्काअलैंड बश्कार खेड्डेआ जाग। विश्व कप च कुल 10 टीमां हिस्सा लै'रदियां न। एह् प्रतियोगिता 20 अक्टूबर गी समाप्त होइ जाग।द भारत ते पाकिस्तान दा मैच ऐतवारें होग ते मंगलवारें अभ्यास मैच च भारतीय टीम नै दक्खन अफ्रीका गी 28 रंजें कन्नै हराइयै लगातार दूई जित्त हासल कीती। पिछले त्रै बारी दे खिताब अपने नां करी चुकी दी आस्ट्रेलिया दी टीम भारत दे कन्नै गुंप-ए च न्यूजीलैंड, पाकिस्तान ते श्रीलंका दियां टीमां बी हैन।

<><><><><><>

## Airways Affected

मध्यपूर्व एशिया च पैदा होए दे लड़ाई दे माहौल दे चलदे दुनिया भरै दिएं ब्हाई यात्राएं पर असर दिक्खने गी लब्भा'रदा ऐ। फ्लाइट रडार-24 डेटा मूजब दुनिया भरै दी ब्हाई सेवा कंपनियां जां ते अपनियां डोआरियां रद्द करा करदियां न जां फही अपना रस्ता बदलै करदियां न, जिसलै जे लेबनान, इजराइल ते कुवैत दे क्षेत्रीय ब्हाई अड्डे परा बी डोआरियां च मता चिर लग्गा'रदा ऐ। हालात गी ध्यानै च रखदे होई यूरोपीय संघ जहाजरानी सुरक्षा अजेंसी ई.ए.एस.ए नै सब्बने यूरोपी ब्हाई सेवा कंनिणं गी ईरानीहवाई क्षेत्र आली बक्खी नेई जाने दी सलाह दित्ती ऐ।

<><><><><><>